

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Ilaqutariinnermut isumaginninnermullu ataatsimiititaliap 2018-imi februaarip naaneranut qaammammut nalunaarutaa. Sisimiut.

Imm. 03 Ilaqutariinnermut Isumaginninnermullu ataatsimiititaliap aningaasaqarnikkut Februar 2018 naaneranut nalunaarutaa. Maniitsoq.

Suliassat naliginnaasut

Imm. 04 Ukiumut naatsorsuuseriffiusumut 2017-imut BDO-mit ataavartumik kukkunersiueq pillugu Kukkunersiuisut nalunaarutaat nr. 27-p akuersissutigineqarnera. Qeqqata Kommunia.

Imm. 05 2018-imiit 2022-mut pilersaarusiornissamut periusissaq.

Imm. 06 Aningaasanik aqutsinnaanermut pikkorissarneq

Paasissutissiissutit

Imm. 07 Piginnaasat attattuartissinnaajumallugit Sisimiuni sungiusartitsinissamik neqeroorut pillugu paasissutissiissut.

Imm. 08 Qeqqata Kommuniata atuarfiini isumaginninnermut siunnersorteqarneq pillugu paasissutissiineq.

Imm. 09 Nuna tamakkerlugu innarluutilinnut centerimi Pissassarfimmi 2018-imi marsimi ataatsimiinneq pillugu paasissutissiineq. Sisimiut

Imm. 10 Paasissutissiissut inuit 10-it Ilaqutariinnut katsorsaanissamut qinnuteqaat. Kangerlussuaq, Sisimiut.

Imm. 11 Paasissutissiissut Nerijsaaq Winter Games 2018-imut peqataanissaq siunertaralugu Maniitsumut angalanissamut aningaasartuutissanut qinnuteqaat. Sisimiut.

Imm. 12 Tamalaat.

Ataatsimiinneq aallartippoq nal. 11.29

Atassut

Emilie Olsen, Sisimiut, Oqarasuaatikkut peqataavoq. Nal. 13:30 ammasuni imm. 07-ip nalaani peqataajunnaarpoq.

Siumut

Hans Frederik Olsen, Siulittaasoq, Sisimiut
Ruth Heilmann, Maniitsoq.

Inuit Ataqaatigiit

Juliane Enoksen, Siulittaasup tullia, Sisimiut, peqataajunnaarpoq nal. 13:50 ammasuni imm. 08-ip nalaani. Nal. 15.54 peqataaleqqippoq matoqqasuni imm. 21 nalaani.

Parti Naleraq

Malene Ingemann, Sisimiut

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri.

Aalajangiineq

Akuersissutigineqarpoq.

Aningaasaqarnermut tunngasut

Imm. 02 Ilaqutariinnermut isumaginninnermullu ataatsimiititaliap 2018-imi februaarip naaneranut qaammammut nalunaarutaa. Sisimiut.

Journalnr. 06.00.01

Tunuliaqutaq

Ukiup ingerlanerani ingerlatsivinni tamani atuiffiit pingaernerit qullersaqarfimmit nalunaarusiorneqartassapput. Matumuuna Sisimiuni Ilaqutariinnermut immikkoortortami februaarip naanerani 2018 nalunaarut saqqummiunneqarpoq.

Maleruagassatigut tunngavissat

Qeqqata Kommuniani karseqarnermut naatsorsuuserinnermullu malittarisassat Aningaasaqarneq pillugu nalunaarusiortarneq, missingersuutitigullu malinnaatitsisarnissaq pillugu Qeqqata Kommuniani ilitsersuut.

Pissutsit atuuttut

Atuineq ukiumut tamarmiusumut siammaraanni, atuineq 16,6 procentimiissaaq. Sisimiuni Ilaqutariinnermut Immikkoortortami nunaqarfiit ilanngullugit aningaasaliissutinit 114.609 mio. koruuniusunit, atuineq katillugu 17,6 procentimik annertussuseqarpoq, aningaasannorlugi 20.186,00 mio. koruunit. Tassa 2018-imi februaarimi atuivallaarneq 1,0 procentiuvoq, piffissamut aningaasaliissutaasunit atuineq 1.146 koruuniulluni.

Eqitsit 1

Ilaqutariinnermut immikkoortortaq (1.000 kr.)		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
40	Akiliunneqarluni meeqerivinni inissat	166	0	0	166	13	153	7,9%
41	Meeqqanut inuusuttunullu ikiorsiiniutit	13.924	0	0	13.924	1.340	12.584	9,6%
43	Isumaginn. Siusinaarl. Soraarnerussutisiat	9.984	0	0	9.984	3.516	6.468	35,2%
44	Meeqqanut akilersuutit	0	0	0	0	0	0	0,0%
45	Pisortanit ikiorsiissutit	11.828	0	0	11.828	1.159	10.669	9,8%
46	Isumaginninnermi allatigut aningaasartuutit	570	0	0	570	406	164	71,2%
47	Utoqqarnik Isumaginninneq	33.777	0	0	33.777	9.405	24.372	27,8%
48	Innarluutilinnut Immikkoortortaqarfik	44.194	0	0	44.194	4.347	39.847	9,8%
49	Isumaginninnermi allatigut aningaasartuutit	166	0	0	166	0	166	0,0%
Katillugit		114.609	0	0	114.609	20.186	94.423	17,6 %

***Ilaqutarinnermut Isumaginninnermullu Ataatsimiititaliap april-ip 11-ani 2018-imi
ileqqusumik ataatsimiinnera 04/2018 - Imaqarniliaq***

Atuiffik 40 - Akiliunneqarluni meeqgerivimmi inissat

Eqitsit 2

Meeqqanut inuusuttunullu ulluunerani suliniutit		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
40	Akiliunneqarluni meeqgerivinni inissat	166	0	0	166	13	153	7,9%
Katillugit		166	0	0	166	13	153	7,9%

Atuiffik 40 atuiffiunngilaq.

Meeqqanut 38-nut akiliunneqarluni meeqgerivimmi inissanut aningaasaliissuteqaraluarpoq, februarilli naanerani inissanut taakkununga suli akiliisoqanngilaq.

Atuiffik 41 – Meeqqanut inuusuttunullu ikiorsiiniutit

Eqitsit 3

Meeqqanut inuusuttunullu ikiorsiiniutit (1.000 kr.)		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
41	Meeqqanut inuusuttunullu ikiorsiiniutit	13.924	0	0	13.924	1.340	12.584	9,6%
Katillugit		13.924	0	0	13.924	1.340	12.584	9,6%

Atuiffik 41, 4,0 procentimik atuinikiffiuvoq, missingersuutaasuniit aningaasanngorlugu 557.000 koruunit.

Ulloq unnuarlu angerlarsimaffimmi Namminersorlutik Oqartussat pigisaani meeraq ataaseq kiisalu ulloq unnuarlu angerlarsimaffimmi namminersortumit pigineqartumi meeraq ataaseq inissinneqarnikuunerat patsisaavoq.

Eqitsit 4

	2017	2018
Angajoqqaarsiat nalinginnaasut	33	33
Akissarsiutigalugu paarsisartuniittut		
Namminersorlutik Oqartussat ulloq unnuarlu paaqqinniffinniittut	1	1
Ulloq Unnuarlu angerlarsimaffiit namminersortut	1	1
Timi Asimi		2
Meeqqat inuusuttullu isumaginninnikkut sivitsuivigineqartut		
Meeqqat tapersersorteqartinneqartut	3	3
Angerlarsimaffiup Avataanut inissitat katillugit	35	35

***Ilaqutarinnermut Isumaginninnermullu Ataatsimiititaliap april-ip 11-ani 2018-imi
ileqqusumik ataatsimiinnera 04/2018 - Imaqarniliaq***

Atuiffik 43 - Siusinaartumik pensionit

Eqitsit 5

Siusinaartumik pensionisiat (1.000 kr.)		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
	1/7-2016-ip kingorna siusinaartumik				9.984		6.468	35,2%
43	pensionisiaqalersut	9.984	0	0		3.516		
Katillugit		9.984	0	0	9.984	3.516	6.468	35,2%

Atuiffik 43 takutippaa sippuilluni atuineq 18,6 procentimiittoq, piffissamut missingersuutaasunit aningaasanngorlugu 1.857 mio. koruuniulluni.

Sippuilluni atuineq, marsimi nunaqarfiit ilanngullugit tunniunneqartut katillugit 1.710.153 koruuniusut februaarimi atuinermut ilaaneramik patsiseqarpoq.

Utertitassat katillugit 839.884,00 koruuniusut qaammatip naanerani kommunip suli tigunngilai.

Eqitsit 6

	Sisimiut	Sarfannugit	Itilleq	Kangerlussuaq	Katillugit
December	192	4	2	1	199
Januar 2018	192	5	2	1	199
Februar	192	5	2	0	199

Atuiffik 44 – Meeqqanut akilersuutit

Eqitsit 7

Meeqqamut akilersuutit (1.000 kr.)		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
44	Isumakkeerinnissutit / Meeqqanut akilersuutit (Art 0720)	0	0	0	0	0	0	0,0%
Katillugit		0	0	0	0	0	0	0,0%

Aningaasaqarnermut allatseqarfimmiit paasissutissiissutigineqarpoq atuiffik 44 oqaaseqarfigineqartassanngitsoq.

Atuiffik 45 - Pisortanit ikiorsiissutit

Eqitsit 8

Pisortatigut ikiorsiissutit (1.000 kr.)		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
45	Pisortanit ikiorsiissutit	11.828	0	0	11.828	1.159	10.669	9,8%
Katillugit		11.828	0	0	11.828	1.159	10.669	9,8%

Atuiffik 45 6,8 procentimik atuinikiffiuvoq, missingersuutaasuniit aningaasanngorlugu 804.304,00 koruunit.

Matumani 2018-ip aallartinnerani suliffissaaleqisut arlaqartut suliffissamik neqeroorfigineqarnerat patsisaavoq. Ikittuinnaat pillaatisinikuupput amerlasuut suliffimmik neqeroorfigineqarnikummata.

**Ilaqutariinnermut Isumaginninnermullu Ataatsimiititaliap april-ip 11-ani 2018-imi
ileqqusumik ataatsimiinnera 04/2018 - *Imaqarniliaq***

Eqitsit 9

	Sisimiut			Sarfannguut			Itilleq			Kangerlussuaq		
	Dec.	Jan	Febr.	Dec.	Jan	Febr.	Dec.	Jan	Febr.	Dec.	Jan	Febr.
Pisortanik ikiorsiissutunik pisartagaqartut amerlassusaat	268	252	234	18	37	17	30	23	15	11	10	6
Pillaatisut amerlassusaat	0	11	8	0	0	0	0	0	0	0	0	0
Matchgr. 3	13	13	13	0	0	0	2	1	2	0	1	1

Suliffissarsiortunut pisortaniit ikiorsiissutit piffissami 24.01 – 20.02.18 tunniunneqarput. Pisortatigut ikiorsiissutunik pisartagallit saaffiginnissimasut amerlassusaat katillugit 332-iupput. Taakkunanga Mach Gruppe 3-mut inissinneqartut 13-iupput, tassaniittarlutik suleriaannaangitsutut nalilerneqartut, assersuutigalugu inuttut ajornartorsiuteqarnertik pequtigalugu, Ilaqutariinnullu immikkoortortamiit sullinneqarnissaminnik pisariaqartitsisut. 2018-imi februaarimi suliffissarsiortutut nalunaarsorneqarsimasut katillugit 245-upput, arnat 111-ullutik angutillu 134-iullutik.

Atuiffik 46 – Isumaginninnermi aningaasartuutit allat

Eqitsit 10

Isumaginninnermi aning. allat (1.000 kr.)		Missing	Tapiissuti	Nuuts.	Akuers	Atuineq	Sinner	Atuineq
Atuiffik	Atuiffiup taaguutaa		t				i	%- tut
46	Isumaginn. Aningaasartuutit allat	570	0	0	570	406	164	71,2%
Katillugit		570	0	0	570	406	164	71,2%

Atuiffik 46 takutippaa sippuilluni atuineq 54,6 procentiusoq, piffissami aningaasaliissutaasunit aningaasannorlugi 311.220 koruuniulluni.

Utertitassat katillugit 333.905,33 koruunit qaammatip naanerani kommunip suli tigusimangimmagit.

Atuiffik 47 – Utoqqarnik isumaginninneq

Eqitsit 11

Utoqqarnik isumaginninneq (1.000 kr.)		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
47	Utoqqarnik Isumaginninneq	33.777	0	0	33.777	9.405	24.372	27,8%
Katillugit		33.777	0	0	33.777	9.405	24.372	27,8%

Atuiffik 47 takutippaa sippuilluni atuineq 11,2 procentimiittooq, piffissamut missingersuutaasunit aningaasannorlugi 3.783 mio. koruuniulluni.

Annertuumik atuineq, marsimi nunaqarfiit ilanngullugit tunniunneqartut katillugit 3.765.415,00 koruuniusut februaarimi atuinermut ilaaneramik patsiseqarpoq.

Tassanilu peqqutaalluni utertitassat katillugit 3.441.048,93 koruuniusut qaammatip naanerani kommunip suli tigusimangimmagit.

**Ilaqutarinnermut Isumaginninnermullu Ataatsimittitaliap april-ip 11-ani 2018-imi
ileqqusumik ataatsimiinnera 04/2018 - *Imaqarniliaq***

Eqitsit 12

	Sisimiut	Sarfannguut	Itilleq	Kangerlussuaq	Katillugit
December	423	5	3	6	437
Januar 2018	427	4	4	6	437
Februar	423	4	4	6	437
Utoqqaat inissiaannut utaqqisut amerlassusii	66	2	0	0	68
Utoqqaat tapersersortillit	3	0	0	0	3
Tapersersortit	6	0	0	0	6

Angerlarsimaffimmi ikiort.

Eqitsit 13

	Sisimiut			Sarfannguut			Itilleq			Kangerlussuaq		
	Dec.	Jan	Febr.	Dec.	Jan	Febr.	Dec.	Jan	Febr.	Dec.	Jan	Febr.
Innuttaasut angerlarsimaffi mmi ikiortillit	116	119	112	3	3	3	2	2	2	0	0	0
Angerlars. ikiortit, aqutsisoq ilanngullugu	13	13	13	1	2	2	0	1	1	0	0	0

Utoqqaat angerlarsimaffiat "Qupanuk"

Eqitsit 14

	Qassit
Najugaqartut	
Najugaqartut nammineersinnaanerusut	7
Tapersersorneqartariallit	13
Ineqartut innarluutillit	2
Puigortunngortut	22
Qasuersaartarfimmiittut	1
Sulisoqarneq	
Ilinniagallit	20
Ilinniagaqanngitsut	49
Tapersersortit ilinniarsimanngitsut	9
Piginnaanngorsaqqittut	0
Igaffimmi ilinniartut	2
Utaqqisut amerlassusaat, 2018-imi marsip aallaqqaataani iluarsisaaq	23

***Ilaqutarinnermut Isumaginninnermullu Ataatsimiititaliap april-ip 11-ani 2018-imi
ileqqusumik ataatsimiinnera 04/2018 - Imaqarniliaq***

Atuiffik 48 – Innarluutilinnut tunngasut

Eqitsit 15

Innarluutilinnut immikkoortortaq (1.000 kr.)		Missing.	Tapiissutit	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
48	Innarluutilinnut Immikkoortortaqarfik	44.194	0	0	44.194	4.347	39.847	9,8%
Katillugit		44.194	0	0	44.194	4.347	39.847	9,8%

Atuiffik 48, 6,8 procentimik atuinikiffiuvoq, missingersuutaasuniit aningaasanngorlugu 3.005 mio. koruunit.

Tamanna februaarimi akiligassanik nassitsisimanginnermik patsiseqarpoq.

Eqitsit 16

	Innuttaasut innarluutillit	Najugaqatigiiffim mi najugaqartut	Inersimasut Kalaallit Nunaanni ulloq unnuarlu inissiivimmiitt ut	Inersimasut Danmark-imi ulloq unnuarlu inissiivimmiitt ut	Meeqqat Kalaallit Nunaanni ulloq unnuarlu inissiivimmiitt ut	Meeqqat Danmark-imi ulloq unnuarlu inissiivimmiitt ut
Decem- ber	149	30	6	9	6	0
Januar 2018	149	30	6	9	6	0
Februar		30	6	9	6	0

Atuiffik 49 – Isumaginninnermi aningaasartuutit allat

Eqitsit 17

Isumaginninnermi aningaasartuutit allat (1.000kr.)		Missing.	Tapiissuti	Nuuts.	Akuers	Atuineq	Sinneri	Atuineq
Atuiffik	Atuiffiup taaguutaa							%- tut
49	Isumaginninnermi allatigut aningaasartuutit	166	0	0	166	0	166	0,0%
Katillugit		166	0	0	166	0	166	0,0%

Atuiffik 49 atuiffiunngilaq.

Atuilluartuunissakkut kingunerisinnaasai

Missingersuutit imminnut naapertuuppata aningaasaqarnikkut atuilluartuussaaq, tamannalu suliamik saqqummiinginnermi nalilersorneqartarluni.

Atuilluartuunissamut ileqqoreqqusat naapertorlugit atuilluartuunissamullu suliniutit naapertorlugit naatsorsuutigineqarpoq aningaasaqarnikkut atuilluartumik ineriartortitsissasoq.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu immikkut ittumik uani suliamik saqqummiinnermi kingunissaqanngilaq.

Allaffeqarfiup naliliinera

Ilaqutariinnermut immikkoortortaq naliliivoq, 2018-imi februaarip naanerani atuineq oqimaaqatigiissumik ingerlasoq, aammalu immikkoortuni arlalinni utertitassat sulii kommunimit tiguneqarsimangitsut.

Innersuussut

Sisimiuni Ilaqutariinnermut immikkoortortap Ilaqutariinnermut Isumaginninnermullu ataatsimiititaliamut innersuussutigaa

- 2018-imi februaarip naaneranut nalunaarut tusaatissatut tiguneqassasoq

Aalajangiineq

Tusaatissatut tiguneqarpoq.

Ilanngussaq

1. Oqimaaqatigiissitsineq atuiffik 4 februaarip naanerani 2018, Sisimiut

**Imm. 03 Ilaqutariinnermut Isumaginninnermullu ataatsimiititaliap aningaasaqarnikkut
Februar 2018 naaneranut nalunaarutaa. Maniitsoq.**

Journalnr. 06.00.01

Tunuliaqutaq

Ukiup ingerlanerani ingerlatsivinni tamani atuiffiit pingaernerit qaammatit tamaasa qullersaqarfimmit nalunaarusiorneqartassapput. Matumuuna Maniitsumi Ilaqutariinnermut immikkoortortamit februar-ip naanerani 2018 nalunaarut saqqummiunneqarpoq.

Maleruagassatigut tunngavissat

Qeqqata Kommuniani karseqarnermut naatsorsuuserinnermullu malittarisassat. Aningasaqarneq pillugu nalunaarusiortarneq, missingersuutitigullu malinnaatitsisarnissaq pillugu Qeqqata Kommuniani ilitsersuut.

Pissutsit atuuttut

Atuineq ukiumut tamarmiusumut siammaraanni, atuineq 16,7 procentimiissapput. Maniitsumi Ilaqutariinnermut Immikkoortortami nunaqarfiit ilanngullugit, atuineq katillugu 15,9 procentimik annertussuseqarpoq, aningaasannorlugu 15.970.939 koruunit, aningaasaliissutinit 100.409.000 koruuniusunit.

Tassa 2018-imi Februar-i atuinikiffiuvoq 0,8 procent-imik, piffissamut aningaasaliissutaasunit 803.272 koruuniulluni, atuinikinnermut pissutaasut ilagaat akiligassat annertuut ulloq unnuarlu paaqqinnittarfinninganeersut kiisalu tapiissutit erninersianut, utoqqalinersianut kiisalu siusinaartumik pensioninut sulitigunneqannginneri pissutigalugit.

Konto 4 - Ilaqutariinnermut immikkoortortaqarfik Maniitsoq

Eqitsit 1

Ilaqut. Imm. (1.000 kr.)		Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
Atuiffik	Atuiffiup taaguutaa							
40	Akeqanngitsumik paaqqinnittarfinniinneq	103	0	0	103	8	95	7,6%
41	Meeqq. Inuusuttunullu ikiorsiiniutit	15.829	0	0	15.829	2.713	13.116	17,1%
43	Isumaginn. Siusinaarl. Soraarnerussutisiat	8.576	0	0	8.576	2.257	6.319	26,3%
44	Uersakkamut akilersuutit	211	0	0	211	0	211	0,0%
45	Pisortanit ikiorsiissutit	6.280	0	0	6.280	938	5.342	14,9%
46	Isumaginninnermi aningaasartuutit allat	867	0	0	867	222	645	25,7%
47	Utoqqarnik isumaginninneq	33.013	0	0	33.013	7.743	25.270	23,5%
48	Innarluutilinnut tunngasut	35.051	0	0	35.051	2.089	32.962	6,0%
49	Isumaginn. Aningaasartuutit allat	479	0	0	479	0	479	0,0%
Tamakkiisumik		100.409	0	0	100.409	15.971	84.438	15,9%

Atuiffik 40 - Akeqanngitsumik paaqqinnittarfinniinneq

Eqitsit 2

Meeqq. Inuusuttunullu ikiorsiiniutit		Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
Atuiffik	Atuiffiup taaguutaa							
40	Ullukkuutillugu meeqqanut inuusuttunullu ikiorsiissutit	103	0	0	103	8	95	7,6%
Tamakkiisumik		103	0	0	103	8	95	7,6%

Atuiffik 40, takutippaa atuinikinneq 9,1 procentiuvoq aningaasaliissutaasunit aningaasannorlugu 9.373 koruuniulluni.

Meeqqanik akeqanngitsumik paaqqinnittarfinniititsinnermut meeqqat arfineq pingasut akiliunneqarput, agguaqatigiissillugu ukiumut meeqqat arfineq-pingasut qaammammut

***Ilaqutariinnermut Isumaginninnermullu Ataatsimiiitaliap april-ip 11-ani 2018-imi
ileqqusumik ataatsimiinnera 04/2018 - Imaqarniliaq***

akiliunneqarlutik ulluklut meeqqanik paaqqinnittarfimmiinnerannut akiliunneqartarnissaannut missingersuusiortoqarnikuuvoq, qaammat januar akiliinnigiffiunera pissutigalugu naatsersuutigisamit atuineq appasinneruvoq.

Atuiffik 41 – Meeqqanut inuusuttunullu ikiorsiiniutit

Eqitsit 3

Meeqq. Inuusuttunullu ikiorsiiniutit Atuiffik Atuiffiup taaguutaa	Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
41 Meeqqanut inuusuttunullu ikiorsiiniutit	15.829	0	0	15.829	2.713	13.116	17,1%
Tamakkiisumik	15.829	0	0	15.829	2.713	13.116	17,1%

Atuiffik 41, 0,4 procentimik atuineruffiuvoq, atuineruneq aningaasanngorlugu 63.316 koruunit missingersuutaasunit 15.829.000 koruuninit, atuinerunermut peqqutaavoq ulloq unnuarlu paaqqinnittarfiit namminersortuniittunut akiligassat siumoortumik akilerneqartarmata.

Eqitsit 4

	Dec.	Jan.	Feb.
Ilaqutariit paarsisartuniittut	8	10	12
Akissarsiutigalugu paarsisartuniittut	2	2	2
Namminersortlutik Oqartussat ulloq unnuarlu paaqqinniffinniittut	4	4	4
Ulloq Unnuarlu paaqqinniffiit namminersortut	13	14	11
Timi Asimi			
Meeqqat inuusuttullu isumaginninnikkut sivitsuivigineqartut	6	6	6
Meeqqat tapersersorteqartinneqartut	3	3	3
Angerlarsimaffiup Avataanut inissitat katillugit	27	30	29

Februar-imi meeraq ataaseq ulloq unnuarlu paaqqinnittarfimmiittoq ilaqutariinnut paarsisartunut nuuppoq, decemeber-imi meeraq ataaseq kisitsinermi ilanngunneqanngitsoorsimasoq iluarsineqarpoq.

Atuiffik 43 – Siusinaartumik pensionisiat

Eqitsit 5

Siusinaartumik pensionisiat (1.000 kr.) Atuiffik Atuiffiup taaguutaa	Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
43 Siusinaartumik pensionisiat	8.576	0	0	8.576	2.257	6.319	26,3%
Tamakkiisumik	8.576	0	0	8.576	2.257	6.319	26,3%

Atuiffik 43, 9,6 procentimik atuineruffiuvoq, missingersuutaasunit aningaasanngorlugu 823.296 koruuninik. Atuinerunermut pissutaasut ilagaat siusinaartumik pensionisiat siumoortumik tunniunneqartarmata aammalu tapiissutit marts-imut suli tiguneqanngimmata.

Siusinaartumik pensionisiant tapiissutit nunaqarfiit ilanngullugit marts-imut annertussuseqarput kr. 559.581, taakkualu aatsaat marts-ip aappaani tiguneqarlutik.

***Ilaqutarinnermut Isumaginninnermullu Ataatsimiititaliap april-ip 11-ani 2018-imi
ileqqusumik ataatsimiinnera 04/2018 - Imaqarniliaq***

Siusinaartumik pensionillit nunaqarfiit ilanngullugit

Eqitsit 6

Qaammat:	Maniitsoq	Kangaamiut	Napasog	Atammik	Katillugit
December	120	8	3	6	137
Januar	123	9	4	6	142
Februar	125	9	4	6	144

Atuiffik 44 – Uersakkanut akilersuutit

Eqitsit 7

Uersakkamut akilersuutit (1.000 kr.) Atuiffik	Atuiffiup taaguutaa	Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
44	Uersakkamut akilersuutit, siumut akilikkat	211	0	0	211	0	211	0,0%
Tamakkiisumik		211	0	0	211	0	211	0,0%

Atuiffik 44, Uersakkamut akilersuutitut atuiffimmi atuisoqanngilaq, ukiup naalernerani atorreqartarpoq.

Atuiffik 45 – Pisortanit ikiorsiissutit

Eqitsit 8

Pisortatigut ikiorsiissutit (1.000 kr.) Atuiffik	Atuiffiup taaguutaa	Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
45	Pisortanit ikiorsiissutit	6.280	0	0	6.280	938	5.342	14,9%
Tamakkiisumik		6.280	0	0	6.280	938	5.342	14,9%

Atuiffik 45, 1,8 procentimik atuinikiffiuvoq aningaasannngorlugu 113.040 koruunit aningaasaliissutaasunit 6.280.000 koruuniniit, pisortatigut ikiorsiissutinik pisartagaqartut januarimut naleqqiullugit ikileriaateqalaarsimapput.

Pisortatigut ikiorsiissutinik pisartagaqartut amerlassusaat nunaqarfiit ilanngullugit

Eqitsit 9

	Maniitsoq			Kangaamiut			Napasog			Atammik		
	Dec	Jan.	Feb.	Dec.	Jan.	Feb.	Dec.	Jan.	Feb.	Dec.	Jan.	Feb.
Pisortanit ikiorsiissutinik pisartagaqartut amerlassusaat	72	100	93	8	21	18	-	3	5	-	5	4
Pillaatisisut amerlassusaat	8	8	22	0	0	0	0	0	0	1	0	0
Match gruppe 3	20	20	29	1	1	3	0	0	0	0	0	0

Februarimi pisortatigut ikiorsiissutinik tunineqarsimasut 93-nut naatsersorneqarput, pisortatigullu ikiorsiissutinik tunineqarsimasut januarimut naleqqiullugit ikileriaateqalaarsimallutik. Pillaatisisut februarimi 22-upput januarimut naleqqiullugu pingajorarterutaanik qaffassimallutik.

Ilaqutarinnermut Isumaginninnermullu Ataatsimīitaliap april-ip 11-ani 2018-imi ileqqusumik ataatsimiinnera 04/2018 - Imaqarniliaq

Atuiffik 46 – Isumaginninnermi aningaasartuutit allat

Eqitsit 10

Isumaginninnermi aning. allat (1.000 kr.)		Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
Atuiffik	Atuiffiup taaguutaa							
46	Isumaginninnermi aningaasartuutit allat	867	0	0	867	222	645	25,7%
Tamakkiisumik		867	0	0	867	222	645	25,7%

Atuiffik 46, 9,0 procentimik atuineruffiuvoq aningaasanngorlugu 78.030 koruunit, atuinerunermut peqqutaavoq februar-imut erninnermi erninersiutininik tunniunneqarnikut tapiissutai suli ilanngaatineqarsimanninnerat. Februar-imut tapiissutit aatsaat tiguneqarput marts-ip aappaani annertussuseqartut nunaqarfiit ilanngullugit kr. 155.948 koruunit.

Atuiffik 47 – Utoqqarnik isumaginninneq

Eqitsit 13

Utoqqarnik isumaginninneq (1.000 kr.)		Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
Atuiffik	Atuiffiup taaguutaa							
47	Utoqqarnik isumaginninneq	33.013	0	0	33.013	7.743	25.270	23,5%
Tamakkiisumik		33.013	0	0	33.013	7.743	25.270	23,5%

Atuiffik 47, 6,8 procentimik atuineruffiuvoq, aningaasanngorlugu 2.244.884 koruunit, atuinerunermut peqqutaasut ilagaat utoqqalinersiat siumoortumik tunniunneqartarmata aammalu tapiissutit marts-imut suli ilanngaatineqarsimanninnerat.

Utoqqalinersianut tapiissutit marts-imut annertussuseqarput 2.318.492 koruunit, tapiissutillu februar-ip tallimaani tiguneqarlutik.

Utoqqalinersiallit amerlassusaat nunaqarfiit ilanngullugit

Eqitsit 12

	Maniitsoq	Kangaamiut	Napasog	Atammik	Katillugit
December	244	39	09	12	304
Januar	245	37	09	11	302
Februar	245	37	09	11	302
Utoqqaat inissiaannut utaqqisut amerlassusai	19				19

Angerlarsimaffimmi ikiorteqartitsineq

Sulisut innuttaasullu sullinneqartut agguataarneri februar 2018:

Eqitsit 13

	Maniitsoq			Kangaamiut			Napasog			Atammik		
	Dec	Jan.	Feb.	Dec	Jan.	Feb.	Dec	Jan.	Feb.	Dec	Jan.	Feb.
Angerlarsimaffimmi ikiortillit	63	64	67	13	10	10	1	2	2	5	7	7
Angerlarsimaffimmi ikiortit	6	6	6	2	2	2	1	1	1	2	2	2
Utoqqaat tapersersortillit	16	18	23	1	1	1	0	0	0	2	2	2
Tapersersortit	4	4	4	1	1	(1)	0	0	0	1	1	(1)

Utoqqarnut tapersersortit Kangaamiuni Atammimmilu angerlarsimaffimmi ikiortaajutugalutik tapersersortaapput.

***Ilaqutarinnermut Isumaginninnermullu Ataatsimiititaliap april-ip 11-ani 2018-imi
ileqqusumik ataatsimiinnera 04/2018 - *Imaqarniliaq****

Utoqqaat angerlarsimaffiat "Neriusaaq"

Sulisut najugaqartullu agguataarneri qaammat februar 2018:

Eqitsit 14

<u>Neriusaami najugaqartut</u>	
	Amerlassusaat
Namineersinnaanerusut	7
Tapersortariallit	10
Innarluutillit	6
Puigortunngortut	18
Qasuersaartarfimmiittut	2
Utaqqisut	16
Sulisut	66
<u>Kangaamiuni utoqqaat illuani najugaqartut</u>	
	Amerlassusaat
Namineersinnaanerusut	-
Tapersortariallit	7
Innarluutillit	-
Puigortunngortut	1
Utaqqisut	
Sulisut	12

Ukioq 2018 aningaasaliissutit normering-i aallaavigalugu iluarsisassartaqarput, siorna 2017-mi aningaasaliissutit kr. 9.981.000, ukioq 2018-mi aningaasaliissutit kr. 7.809.000

Nalliuttuni sulisut iluanni normtid appasippoq, taamaasilluni ulloq unnuarlu sulisoqassapat sulisut qaangiuttoortinneqartariaqarput vikar-inik atuinnginnissaq anguniarlugu. Sullitat sulisut ilisarimasaaq sulisorinissaat pingaartinneqarpoq, taamaattumik overtid timeløn atuiffiuvoq. Imermut aningaasaliissutit 2018-mi kr. 81.000-upput, ukioq 2017-mi kr. 99.000-iullutik, najugaqartut amerlassusaat aallaavigalugu aningaasaliissutit annikippallaarput.

Atuiffik 48 – Innarluutilinnut tunngasut

Eqitsit 15

<u>Innarluutilinnut tunngasut</u>		Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
Atuiffik	Atuiffiup taaguutaa							
48	Innarluutilinnut tunngasut	35.051	0	0	35.051	2.089	32.962	6,0%
Tamakkiisumik		35.051	0	0	35.051	2.089	32.962	6,0%

Atuiffik 48, 10,7 procentimik atuinikiffiuvoq aningaasannngorlugu 3.750.000 koruunit, aningaasaliissutiniit 35.051.000 koruuniusunit.

Ulloq unnuarlu paaqqinnittarfinnut nunatsinniittunut aammalu qallunaat nunaaniittunut akiligassat januar aammalu februar-imut tunngasut suli tiguneqarnikuunngimmata, agguaqatigiissillugu Danmark-imiittunut qaammammut atuineq 1.400.000 koruunit missaanniittarpoq, nunatsinniittunut atuineq 960.000 koruunit missaanniittarluni.

**Ilaqutariinnermut Isumaginninnermullu Ataatsimiititaliap april-ip 11-ani 2018-imi
ileqqusumik ataatsimiinnera 04/2018 - *Imaqarniliaq***

Eqitsit 16

Qaammat	Meeqqat Innarluu- tillit	Inersimasut innarluu- tillit	Najuga- qatigiif- finni najuga- qartut	Kalaallit Nunaanni ulloq unnuarlu paaqqinnittar- finniittut inersimasut	Qallunaat Nunaanni ulloq unnuarlu paaqqinnittar- finniittut inersimasut	Kalaallit Nunaanni ulloq unnuarlu paaqqinnittar- finniittut meeqqat	Qallunaat Nunaanni ulloq unnuarlu paaqqinnittar- finniittut meeqqat
December	13	60	11	15	11	1	-
Januar	14	59	12	15	11	1	
Februar	14	59	12	15	11	1	

Atuiffik 49 – Isumaginninnermi aningaasartuutit allat

Eqitsit 17

Isumaginninnermi aning. allat (1.000 kr.)		Missing.	Tapiiss.	All.nuuss.	Akuers.	Atuineq	Sinneri	Atuineq %-nngorl.
Atuiffik	Atuiffiup taaguutaa							
49	Isumaginninnermi aningaasartuutit allat	479	0	0	479	0	479	0,0%
				0				
Tamakkisumik		479	0	0	479	0	479	0,0%

Atuiffik 49, Isumaginninnermi aningaasartuutit allat, atuisoqanngilaq.

Atuilluartuunissakkut kingunerisinnaasai

Missingersuutit imminnut naapertuuppata aningaasaqarnikkut atuilluartuussaaq, tamannalu suliamik saqqummiinnginnermi nalilersorneqartarluni.

Atuilluartuunissamut ileqqoreqqusat naapertorlugit atuilluartuunissamullu suliniutit naapertorlugit naatsorsuutigineqarpoq aningaasaqarnikkut atuilluartumik ineriartortitsissasoq.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu immikkut ittumik uani suliamik saqqummiinnermi kingunissaqanngilaq.

Allaffeqarfiup naliliinera

Ilaqutariinnermut immikkoortortaq naliliivoq, aningaasaqarnermut nalunaarusiaq februar-ip naaneranut akiligassat annertuut, soorlu ulloq unnuarlu meeqqanut inuusuttunullu paaqqinniffinniit akiligassat aammalu innarluutillit ulloq unnuarlu paaqqinnittarfinniit amigaatigineqarneri pissutigalugit paasissutissat pigineqartut aallaavigalugit nalunaarusiortoqarpoq. Namminersorlutik Oqartussaniit tapiissutit tiguneqarpata qaammatini tulliuttuni ilanngunneqartassapput.

Innersuussut

Ilaqutariinnermut immikkoortortap Maniitsumi Ilaqutariinnermut Isumaginninnermullu ataatsimiititaliamut innersuussutigaa

- 2018-imi februarip naaneranut nalunaarut tusaatissatut tiguneqassasoq

Aalajangiineq

Tusaatissatut tiguneqarpoq. Qallunaatut allaqqasuni kisitsisit kukkusut iluarsineqassapput.

Ilanngussat

1. Oqimaaqatigiissitsinneq atuiffik 4 februar naanerani 2018, Maniitsoq

Suliassat naliginnaasut

Imm. 04 Ukiumut naatsorsuuseriffiusumut 2017-imut BDO-mit ataavartumik kukkunersiuneq pillugu Kukkunersiuisut nalunaarutaat nr. 27-p akuersissutigineqarnera. Qeqqata Kommunia.

Journalnr. 06.04.01

Tunuliaqutaq

2016-imi decembarip 31-ata tungaanut ataavartumik kukkunersiunermit kukkunersiuisut BDO-p nalunaarutaat tullinnguuttunik oqaaseqaatitalerlugu nassiuppaa.

5.2 Suleriaatsit

Kommunip allaffissornikkut naatsorsuuserinikkullu suleriaasaa misissuiffigivarput (matumani suleriaatsit, illup iluani nakkutilleeriaatsit, sulianik suliaqartarnerit, taamatullu aamma pitsaassutsikkut nakkutilliinerit) tulliuuttugut inunnik sullissinertigut tutsuiginartuunersut naapertuuttumillu ingerlanneqarsimanersut:

Piginnaangorsaaqqinneq
Erninnermut atatillugu ullormusiani
Siusinaarl. pensionit
Utoqqalilluni pensionit
Meeqqanut tapiissutit
Akilersuutit
Ineqarnermut tapiissutit
Ilinniagaqarnerisutit

Maleruagassatigut tunngavissat

Aqutsinnermut inatsimmi § 48 imm. 5 naapertorlugu, kukkunersiuisut oqaaseqaataat kommunalbestyrelsimit akineqartussaataapput, aalajangiisoqareerpallu akissuteqaatit Nakkutilliisoqarfimmut nassiunneqassallutik.

Pissutsit atuuttut

Immikkoortoq 2-mi Kukkunersiuisut oqaaseqaataat innersuussutigalugit.

Illup iluani nakkutilliineq:

Aningaasaqarneq kiisalu inunnut tunngasunik sullissineq pillugu ataavartumik aqutsisunit nakkutilliineq ingerlanneqassaaq. Tamanna ukkatariuaannarniarlugu immikkoortortani aqutsisut aamma suleqataasut akornanni immikkoortortani tamani suliat pillugit ataatsimiittoqartarpoq, tamatumani suliat eqqartorneqarlutillu misissuataarneqartarlutik. Ilaqutariinnermut immikkoortortap iluani suleqatigiinneq siuarsarniarlugu, sapaatip akunnikkaartumik suliat pillugit ataatsimoorluni ataatsimiittoqartarpoq, tassani immikkoortunut arlalinnut attuumassuteqarsinnaasut inunnut ataasiakkaanut suliat eqqartoqarneqarsinnaasarlutik. Maniitsumi Sisimiunilu ilaqutariinnermut pisortat immikkoortortanilu aqutsisut suliat ingerlanneqarneri eqqartorniarlugit sapaatip akunnikkaartumik ataatsimeeqatigiittarput, kiisalu pisariaqarfiini iluarsaanneqartarlutik. Sulisut qaammatikkaartumik ataatsimiinnerini tamani missingersuutit saqqummiunneqartarput, taamaalilluni immikkoortortaminni aningaasat qanoq atornerarnerinut sulisut akisussaaqataanermik misigisimasarniassammata.

Immikkoortortani aqutsisut aamma Ilaqutariinnermut Immikkoortortap iluani missingersuutitut piginneqataanermik misigisimalersarput, qaammammut / qaammatinik pingasukkaarinnermut / ukiup affaanut imaluunniit ukiumut nalunaarutini nikingassutaasinnaasunik ilanngussinnaasarlutik, ilutigitiillugulu aqutsisut nakkutilliinerat pimoorussamik tiguneqartarluni.

Aqutsisut nakkutilliinerat suli pimoorussamik tiguneqaqqullugu, Maniitsumi Sisimiunilu elektroniskiusumik aqutsisunit nakkutilliineq atuutilersinneqassaaq, immikkoortuni tamani pitsaanerpaamik sulianik sullissinnermik qulakkeerisoqarnissaa siunertaralugu. Sisimiuni elektroniskiusumik sakkussaq atuutilersinneqareeraluarpoq, immikkoortunili tamani tamakkiisumik ingerlalluartuunani. Tamanna pitsanngorsarneqassaaq. Elektroniskiusumik pitsaassutsimik qulakkeerinissaq Maniitsumi suli atuutilersinneqanngilaq.

Utoqqalinermi pensionisiat:

Winformatik-ip systemiani qupperneq 380-imi utoqqalillutik pensionisiallit isertitaannik ataavartumik aaneqarsinnaapput, taamaalillunilu pensionit tunniunneqartussat naatsorsorneqarsinnaassallutik.

Inatsit naapertorlugu qaammatit aqqaneq-marluk kingumut isertitarisimasat aallaavigalugit pensionisiassat naatsorsorneqassapput, sullissisut winformatik-imi quppernermik atuinersut, Maniitsumi Sisimiunilu immikkoortortani aqutsisunit malinnaavigineqassaaq.

Meeqqanut inuusuttunullu ikiorsiiniutit:

Paarsinissamik isumaqatigiissutit amigaatigineqartut suliarineqartarsimangillat, Kukkunersuisullu nalunaarutaata tiguneranit, Sisimiuni paarsiffiusuni tamani paarsinissamik isumaqatigiissutit suliarineqarsimapput.

Maniitsumi tamanna atuutilersinneqaleruttorpoq.

Inatsit naapertorlugu sullissisut iliuusissatut pilersaarutinik suliaqartarnissaat kiisalu journalimut ilanngunneqartarnissaat, immikkoortortami aqutsisut ataavartumik qulakkeertassavaat.

Tamatuma ingerlanneqartarnissaat immikkoortortami aqutsisut qulakkeertassavaat. Aqutsisunit nakkutilliisarnerit ingerlanneqartarnissaat qulakkeerniarlugu, immikkoortortami aqutsisunut tamanut kiisalu ilaqutariinnermi pisortamut aalajangersimasumik ataatsimiittarnissaannut piffissanik immikkoortitsisoqassaaq. Tamatumunnga ilaqutariinnermut pisortaq akisussaasuussaaq.

Piginnaangorsaaneq ilinniarnersiutillu Maniitsumi Sisimiuniluunniit Ilaqutariinnermut immikkoortortap ataaniingimmata oqaatigineqassaaq, taakku Majoriap ataaniittuummata. Maniitsumi erninermi ullormusiat, meeqqanut tapit, meeqqanut akiliutit aamma ineqarnermut tapiissutit Innuttaasunik Sullissiviup ataaniipput, Sisimiunilu aamma taamaapput, meeqqanut akiliutit eqqaassanngikkaanni, taakku Ilaqutariinnermut immikkoortortap ataaniipput.

Meeqqanut akilersuutit pillugit sulianut nakkutilliissutitalerlugit suleriaatsinik Sisimiuni allatseqarfik meeqqanullu akilersuiffeqarnikuupput, taamaalilluni meeqqanut akiliutit kukkuneqarnissaat aammalu meeqqanut akilersuutinik misissuilluni amigartumik nakkutilliinissaq pinngitsoorneqarsinnaaniassammat.

Sapinngisamik nalimmassaaneq tamakkiisuuniassappat, akulikitsumik ataatsimeeqatigiinnikkut Qeqqata Kommuniani Ilaqutariinnermut immikkoortumi immikkoortut tamaasa suleqatigalugit pitsaanerpaaffianiinnissaanut suli sulisoqarpoq.

Allaffeqarfiup naliliinera

Qeqqata Kommuniani Ilaqutariinnermut immikkoortortaq naliliivoq, sullissineq pillugu suliniutit aallartinneqartut aammalu aqutsinnermi nakkutilliinerit pitsaassutsimik qaffaasut, taamaalilluni kukkunerit annikillisinneqarlutik. Suleriaatsinuku periutsillu, taakkunangalu atuutsilernissaq

ukkatariineqassasut, taamaalilluni innuttaasunut pitsaanerpaamik sullissisoqarsinnaalluni, kiisalu ulluinnarni suleqataasunut suleriaatsinik oqilisaataasinnaalluni.

Innersuussut

Qeqqata Kommuniiani Ilaqutariinnermut immikkoortortap Ilaqutariinnermut Isumaginninnermullu ataatsimiititaliamut innersuussutigaa

- Ukiumut naatsorsuuseriffiusumut 2017-imut BDO-mit ataavartumik kukkunersiuiineq pillugu Kukkunersiuisut nalunaarutaat nr. 27 akuersissutigineqassasoq

Aalajangiineq

Akuersissutigineqarpoq.

Ilanngussaq

1. BDO-mit Kukkunersiuisut nalunaarutaat nr. 27 31.december 2017-imeersoq

Imm. 05 2018-imiit 2022-mut pilersarusiornissamut periusissaq.

Journalnr. 16.03.01

Tunuliaqutaq

Aasaanerani sulinngiffiup aallartinnginnerani tamanut tusarniutigalugu nassiunneqarnissaa siunertaralugu pilersarusiornissamut periusissamik nutaamik suliaqarneq aallartinneqarpoq.

Maleruagassatigut tunngavissat

Pilersarusiorneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugu kommunip pilersarusiorfigineqarneranut tapiliusaaq suliarineqarpoq.

Pissutsit atuuttut

Ukiuni tulliuuttuni sisamani kommunalbestyrelsi, nunaqarfimmi aqutsisut allaffeqarfillu sunik anguniagaqarnissaannik innuttaasut takussutissinniarlugit pilersarusiornissamut periusissaq suliarineqarpoq. Taamaattumik kommunalbestyrelsip siunnersuummik akuersissuteqarnerata kingorna, pilersarusiornissamut periusissatut siunnersuut sapaatit akunnerini arfineq-pingasuni tamanit oqallisissiasanngorlugu tamanut saqqummiunneqassaaq.

Kommunalbestyrelsimit, nunaqarfimmi aqutsisunit innuttaasuniillu immersorneqarneq tunuliaqutaralugu pilersarusiornissamut periusissamut siunnersuummik allaffeqarfik suliaqarnikuvoq, 2018-imi marsimi apriliimilu ataatsimiititalianut nunaqarfinnilu aqutsisunut saqqummiunneqartussaalluni.

Suleqatigiinnissamik isumaqatigiisummi anguniakkat ilanngunneqarnissaat aamma atuilluartuunissamik suliniutaasut kiisalu pilersarusiornissamut periusissaq kingulleq aallaaviupput, taamaalillunilu anguniakkat innuttaasunut atuaruminarnerulersillugit. Ataatsimiititaliat nunaqarfinnilu aqutsisut anguniagaasut atuarnissaat pingaaruteqarpoq taamaalillunilu immikkoortuni ataasiakkaani attuumassuteqartuni anguniagaasunik qulakkeerinnissallutik.

Atuilluartuunissakkut kingunerisinnaasai

Pilersarusiornissamut periusissami nutaami suliaqarnermi ataaseq pingaaruteqartoq tassaavoq, atuilluartuunissamik suliniutaasuniit anguniakkanik ilanngussinissap qulakkeerneqarnissaa. Tassani ilaatigut atuilluartuunissamik suliniuteqarneq ersarissarniarlugu, kisianni aamma atuilluartuunissamik suliniutitaasut Qeqqata Kommuniata suliaqarfiini atuilluartuunissamik suliniutinit ukiuni sisamani aggersuni aallaaviummata pingaaruteqartut.

Aningaasaqarnikkut allaffissornikkullu kingunerisinnaasai

Suliaq toqqaannartumik aningaasaqarnikkut kingunissaqanngilaq, anguniakkanilli piviusunngortitsinitsinni suliasatsinnik qanoq aaqiinissatsinnut pingaarnersiutinissatsinnullu sunniuteqarsinnaassalluni.

Allaffeqarfiup naliliinera

Allaffeqarfiup nalilerpaa misilittagaralugulu, pilersarusiornissamut periusissamik suliaqartarneq pingaaruteqartuusoq aammalu qaninnerusoq ungasinnerusorlu isigalugit anguniakkanik anguniagaqartumik sulinikkut naammasinniffiusinnaasoq. Anguniakkanut ataatsimiititaliat

ataasiakkaat kommunalbestyrelsilu piginnittut misigisimanissaat aammalu anguniakkaat politikkillu akornanni ataqatigiittoqarnissaa pingaaruteqarpoq.

Ataatsimiititaliamut attuumassuteqartunut anguniakkanik Ilaqutariinnermut isumaginninnermullu ataatsimiititaliap eqqartuinissaq pingaartittariaqarjaa.

1. Qeqqata Kommuniani najoqqutassiap, siusinaartumik iliuseqarnissamik ukkatarinnittuusoq meeqqamillu qitiutitsisuusoq, atuutilersinneratigut, sullissineq pitsaanerusoq qulakkeerusupparput.
2. Qeqqata Kommuniani MIO-p innersuussutaanik atuutilersitsinikkut aammalu illoqarfinni nunaqarfinnilu akimortumik suleqatigiinnerup siuarsarneratigut, meeqqat inuunerissut anguniarlugit sulerusuppugut.
3. Pinaveersaartitsinermik siusinaartumillu iliuseqarnermik ukkatarinnittumik peqqinnissakkut isumaqatigiissummik sanasoqarneratigut, Kommunip peqqinnissaqarfiullu akornanni akimortumik suleqatigiinneq nukittorsarusupparput.
4. Utoqqaat amerlanerusut sivisunerusumik angerlarsimaffiminniiginnarsinnaangorlugit, utoqqaat inuunerissusaannik kinaassusaannillu attassiinnarusulluta, ulloq unnuarlu angerlarsimaffimmi ikiorteqartitsinermik pilersitsiniarpugut.
5. Innuttaasut innarluutillit innuttaasutut allatuulli naleqartutut inuuneqarnissaat, inuiaqatigiit akornanni akulusimatitsinermik peqataatitsinermillu nukittorsaataasussamik, innuttaasunut innarluutilinnut ulluunerani ornittagassamik sammisassaqartitsiviusumik pilersitsisoqarnissaa qulakkeerusupparput.
6. Innuttaasunut puigortunngorsimasut ulluinnaat naleqarluartuunissaat toqqissisimanissaallu qulakkeerumallugit, matoqqasunik immikkoortortanik pilersitserusuppugut.
7. Amerlanerusut imminnut ikiorsinnaaniassammata ulluinnarnillu ajunngitsumik ingerlasunik pilersitsisinnaaniassammata, tamaalillutillu malunnaatilimmik inooriaatsiminnik qaffassaasinnaaniassammata, utoqqaat sammisassaqarluartumik inuuneqarnissaat, taamatullu innuttaasut annikitsumik piginnaasaqalersimasut sungiusarneqartalernissaat qulakkeerniarlugu sulissutigerusupparput.

Innersuussut

Ilaqutariinnermut immikkoortortap Ilaqutariinnermut Isumaginninnermullu ataatsimiititalialimut innersuussutigaa,

- ataatsimiititaliap siuliani ".....-supparput/-ppagut" oqaasertalerneqarsimasut eqqartussagaa, allannguutissaqassagunillu allannguutissatut siunnersuusiussasq.

Aalajangiineq

Akuersissutigineqarpoq.

1. Qeqqata Kommunianni najoqqutassiap, siusinaartumik iliuseqarnissamik ukkatarinnittuusoq meeqqamillu qitiutitsisusooq, atuutilersinneratigit, sullissineq pitsaanerusoq qulakkeerusupparput.
2. Qeqqata Kommuniani MIO-p innersuussutaanik atuutilersitsinikkut aammalu illoqarfinni nunaqarfinnilu akimortumik suleqatigiinnerup siuarsarneratigit, meeqqat inuunerissut anguniarlugit sulerusuppugut **aamma meeeqqat inuusuttullu atuartut siusinaartumik pinaveersaartitsisumillu oqaloqatigineqartarnissaat sulissutigivarput.**
3. Pinaveersaartitsinermik siusinaartumillu iliuseqarnermik ukkatarinnittumik peqqinnissakkut isumaqatigiisummik sanasoqarneratigit, Kommunip peqqinnissaqarfiullu akornanni akimortumik suleqatigiinneq nukittorsarusupparput **aammalu Kommunip peqqinnissaqarfiullu akornanni akimortumik suleqatigiinneq nukittorsarparput.**
4. Utoqqaat amerlanerusut sivisunerusumik angerlarsimaffimminniiginnarsinnaangorlugit, utoqqaat inuunerissusaannik kinaassusaannillu attassiinnarusulluta, ulloq unnuarlu angerlarsimaffimmi ikiorteqartitsinermik pilersitsiniarpugut.
5. Innuttaasut innarluutillit innuttaasutut allatuulli naleqartutut inuuneqarnissaat, inuiaqatigiit akornanni akuliusimatitsinermik peqataatitsinermillu nukittorsaataasussamik, innuttaasunut innarluutilinnut ulluunerani ornittagassamik sammisassaqartitsiviusumik pilersitsisoqarnissaa qulakkeerusupparput.
6. Innuttaasunut puigortunngorsimasut ulluinnat naleqarluartuunissaat toqqissisimanissaallu qulakkeerumallugit, matoqqasunik immikkoortortanik pilersitserusuppugut.
7. Amerlanerusut imminnut ikiorsinnaaniassammata ulluinnarnillu ajunngitsumik ingerlasunik pilersitsisinnaaniassammata, tamaalillutillu malunnaatilimmik inooriaatsiminnik qaffassaasinnaaniassammata, utoqqaat sammisassaqarluartumik inuuneqarnissaat, taamatullu innuttaasut annikitsumik piginnaasaqalersimasut sungiusarneqartalernissaat qulakkeerniarlugu sulissutigerusupparput.
8. **Proffessionelle-mik angjoqqaasiangortitsinissaq sulissutigissavarput**
9. **Utoqqaat timimikkullu sanngiinnerusut ikorsiissutinik sulisoqarnikkullu ikiorneqartarnissaat sulissutigissavarput**
10. **Pisortat suliffeqarfini ulloq unnuarlu suliffiusuni sulisoqarnikkut patajaallisaaneq suliffigissaanissarlu qulakkiissavarput.**

Ilanngussaq

1. 2014-imit 2018 tikillugu pilersaarusiornermi periusissat

Imm. 06 Aningaasanik aqutsisinnaanermut pikkorissarneq.

Journalnr. 03.20

Tunuliaqutaq

Borgmester Malik Berthelsen 2017-imi oktobarip 24-ani maileruteqarluni, aningaasanik aqutsisinnaanermut pikkorissaasoqarnissaanik siunnersuuteqarpoq.

Assortorneqarsinnaanngitsumik aningaasaq inuunitsinni pingaarutilerujussuarmik inissisimavoq, allaat inuunitsinni pinngitsoorsinnaanatu.

Taannaavormi namminerisatsinnik angerlarsimaffeqarnissatsinnut, imminut pilersornissatsinnut inuuniarnitsinnilu aalajangiisuusoq. Taamaattumik aningaasanik aqutsisinnaaneq pingaarnersiuisinnaanerlu inuunitsinni pingaarutilerujussuupput.

Inuttut ilaqutariittullu inuunerissaarnerusinnaanerigaluarput aningaasanik aqutsisinnaannginnermik pingaarnersiuisinnaannginnermillu ajoralauartumik ilaatigut innarlertarparput.

Soorlu inigisamut akiliinngitsoortarnerit, meeqqat pisariaqartitaannut akissaaruttarnerit, aningaasarseqqinnissap tungaanut naammattunik nerisassaqaanngittarnerit, nalilinnik soorlu illumik pigisaqalersinnaanerigaluit il il..

Pissutsillu nuanninngitsut taamatut ittut ikilisarniarlugit innuttaasullu inuunerissaarnerulernissaannut aqutissiueqataajumalluta kommunimiit ikiorsiissuteqarnissarput pisariaqartutut isumaqarfigaara.

Taamaattumik siunnersuutigaara kommune immaqqa Majoriaq Aningaaserivillu suleqatigalugit aningaasanik aqutsisinnaanermik erniortitsisinnaanermillu pikkorissarnernik innuttaasunut piumasunut neqerooruteqassasoq.

Pingaarutilittut oqaatigissavara pikkorissarnissamik aqqissuussinissatut takorluukkakka, taamaallaat inuuniarnikkut ajornartorsiutilinnut sammitinneqaratik ilaqutariit ataatsimut isigalugit tulluarsarneqassammata, soorlu ulluinnarni inuunitsinni pingaaruteqaanngitsunut aningaasaajaatigisartakkagut allanut ileqqaarnernulluunniit atorutsigit pingaarnernunnginnersut eqqarsaatissiisutigalugit. Assersuutigiinnarlugu pisiniarfiliarnerit tamaasa sooq puussiarsisassaagut 3,50 koruunilimmik, uffalu puumik 10 koruunilimmik ukioq naallugu atorneqarsinnaasumik pisisinnaalluta?

Maleruagassatigut tunngavissat

Ilaqutariinnermut Isumaginninnermullu ataatsimiititaliap pisortat ikiorsiissutaannut, ineqarnermullu akiitsunut akisussaavoq.

Inuussutissarsiutinut Takornariaqarnermullu ataatsimiititaliap suliffeqaanngikkallarnersiutinut, inuusuttunillu piginnaanngorsaanissamik neqeroorutinut akisussaavoq.

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap, sunngiffimmi atuartitsinnermut akisussaavoq.

Pissutsit atuuttut

Innuttaasut aningaasaqarnerminnik aqutsilluarsinnaalernissaannut suliniutit assigiinngitsutigut misiliutigineqarsinnaapput, innuttaasummi namminneq aningaasaqarnerminnik iluamik aqutsinnaanngitsut kommunip arlalitsigut nalaattarmagit.

Aningaaseriviit nalinginnaasumik innuttaasunut atuarfeqarfinnullu paasisitsiniaarusussuseqartarput. Tamanna ingerlaannarsinnaasorineqarpoq.

Atuilluartuunissakkut kingunerisinnaasai

Amerlanerusut aningaasaqarnerminnik namminneq aqutsinnaagaluarpata, imminnullu pilersorsinnaajunnaarnermikkut pisortanut saaffiginnittariaqanngikkaluarpata tamanna atuilluarnerunerussaaq.

Aningaasaqarnikkut allaffissornikkullu kingunerisinnaasai

Aningaasanik aqutsinnaanermut pikkorissaaneq arlalitsigut aningaasaliissutit iluini ingerlanneqarsinnaavoq. Imaappoq ilaqutariinnut kiffartuussivinni sulisuni, Majoriami sulisuni, sunngiffimmilu atuartitsisartuni.

Allaffeqarfiup naliliinera

Allaffeqarfiup nalilerpaa, innuttaasunut pisortap ikiorsiissutaannik pisartagalinnut/suliffeqanngikkallarnersiutilinnut, ineqarnermullu akiitsulinnut aningaasaqarnermik aqutsinnaanermik pikkorissaanissaaq pisariaqarmat, suliaq ataatsimiititalianut arlalinnut saqqummiunneqartariaqartoq. Pisortap sulisuinit, ilaqutariinnut kiffartuussivinnit, Majoriamit, sunngiffimmilu inspektørit peqataatillugit, Sisimiuni Maniitsumilu kommuni akimortumik suliniuteqarsinnaaguni pitsaassaaq. Suliniutillit aamma illoqarfigisami aningaaserivik suleqatiserissavaat.

Innersuussut

Inuussutissarsiutinut Takornariaqarnermullu ataatsimiititaliamut, Ilaqutariinnermut Isumaginninnermullu ataatsimiititaliamut kiisalu Ilinniartitaanermut Peqqinnermut Sunngiffimmi sammisanut Kultureqarnermullu ataatsimiititaliamut innersuussutigineqarpoq, immikkoortuni siuliani taaneqartuni aningaasanik aqutsinnaanermut pikkorissaasoqarnissaata sulissutigineqaqqinnissaa akuersissutigineqassasoq, soorluttaaq akimortumik suleqatigiissitamik pilersitsisoqassasoq.

Aalajangiineq

Akuersissutigineqarpoq.

Ilanngussaq

Soqanngilaq.

Paasissutissiissutit

Imm. 07 Piginnaasat attattuartissinnaajumallugit Sisimiuni sungiusartitsinissamik neqeroorut pillugu paasissutissiissut.

Journalnr. 48.00.14

Tunuliaqutaq

Kommunalbestyrelsimut ilaasortap Frederik Olsen-ip mailerutaa (ilanngussaq 1) allaffeqarfiup 2017-imi januaarip 17-iani tiguua, Frederik-ullu mailimigut erseqqissaatigaa, innuttaasunut napparsimalersimasunut, timikkut piginnaanikillisimasunut, napparsimalersimanerup kingunerisaanik ajornartorsiuteqalersimasunut imaluunniit nalinginnaasumik piginnaanikilliertortunut, piginnaasat attattuartissinnaajumallugit sungiusartitsinissamik kommuni neqerooruteqartussaataasooq.

Maleruagassatigut tunngavissat

Timersorneq timigissarnerlu pillugit Inatsisartut inatsisaat nr. 15, 6. juni 2016-imeersumi kapitali 3 § 8: ”Naalackersuisut aamma kommunalbestyrelsi timersornermi kattuffiit suleqatigalugit timersorneq timigissarnerlu nunami tamarmi kikkunnut tamanut ammanera qulakkiissaavaat, tassunga ilanngullugit immikkut pisariaqartitsisunut siunnerfeqartumik suliniutit tapersornerisigut”.

Inatsisitigut aalajangersarneqarpoq annertunerpaamik piginnaassuseqalernissamut sungiusaqqinnerpeqqinnissaqarfiup suliassarigaa, kommunillu suliassarigaa piginnaasat attattuartissinnaajumallugit sungiusartitsineq. Misilittakkanit tikkuarneqarpoq peqqinnissaqarfiup kommunillu akornanni inatsisit qanoq paasineqarnissaat ajornartorsiutigineqartartoq, ilaatigut innuttaasut sungiusaqqinnermiit piginnaasat attattuarnissaannut sungiusarnermut qaqugukkut ikaarsaartoqartarnersoq. (2017-imi nuna tamakkerlugu piginnaanngorsaaqqinnermi periusissiasatut siunnersuut, Peqqissutsimut Naalackersuisoqarfik, FM 2017)

Pissutsit atuuttut

Innuttaasut napparsimmavimmit ikiorserneqareersimallutik, piginnaasamik attattuartissinnaajumallugit sungiusartarnissaminnik pisariaqartitsisunut, kommuni Sisimiuni napparsimmavik suleqatigalugu suliniummik aallartitsinikuuvoq. Ullut sungiusaaviit siulliit pingasut napparsimmavimmit timigissaasut marluk aallarniutaasumik ilitersuinissamik neqerooruteqartarput, kingornalu kommunip akiligaanik peqataasut namminneq sungiusartarlutik. Sisimiut Timersortarfiani sungiusartarput.

Suliniummik suleqataasut: Utoqqarnut Immikkoortortaqarfimmi aqutsisoq; napparsimmavimmi timigissaasut marluk, Timersornermik siunnersorti aamma kommunimi atuilluartuunissamik siunnersorti. Timersortarfimmi pisortaqaq ataatsimiinnerni arlalinni peqataanikuuvoq.

Peqataasut piginnaasaannut naleqquttunik sungiusaatissanik ataavartumik ilitersorneqartarnissaminnik amigaateqaramik, piginnaasat attattuartissinnaajumallugit Sisimiuni sungiusartitsinissamik neqeroorut pitsaanerpaaffianiingilaq. Timigissaasut taakku marluk, timersornermillu siunnersorti ullut 14-ikkaarlugit paarlakaannermikkut akunneq ataaseq peqataasunut ilitersuinissamik neqerooruteqartarput (ilanngussaq 2), tamatumani peqataasut immikkut ittumik tapersorneqarnissaminnik ilitersorneqarnissaminnillu ujartuisarmata, peqataasut arlaqanngitsuinnaat pisariaqartitaat naammassineqartarput.

Kommunimi timigissaasut pillorissaasutullu atorfiit inuttaqanngillat, taavalu piginnaangorsaanissamat piginnaasallu attattuartissinnaajumallugit sungiusartitsinernik ingerlatsisinnaasut amigaatigineqartarlutik. Nutaamik suliniuteqarnikkut, Napparsimmavillu avitassamik pillorissaasut atorfirmik pilersitsisoqarpoq. Napparsimmavimmik taamatut suleqateqarnikkut timigissaasoq suliament atattillugu attaveqalissaaq, neriutigaarpullu sulisut suliament nuannarinnillutik, sivisunerumillu atorfirminniinnissaannut aqutissieqataassasoq.

Atuilluartuunissakkut kingunerisinnaasai

Innuttaasut nammineersinnaalerniassammata, ajornanngippallu sulileqqissinnaaniassammata, pitsaanerumillu inuuneqalerniassammata piginnaasat attattuartissinnaajumallugit sungiusartitsinissamik neqerooruteqartarluni innuttaasut timikkut, eqqarsartaatsikkut inuttullu atugarissaarlutik inuiaqatigiinni atuilluarteruvoq, tamannalu kommunip atuilluarteruunissamik suliniutaanut naapertuullarluni.

Aningaasaqarnikkut allaffissornikkullu kingunerisinnaasai

Peqataasut 28-t sungiusartarnerini aningaasartuutit kommunip matussusertarpai (ilanngussaq 3), immersugassarlu timersortarfimmit immersorneqariarluni kommunimut nassiunneqartarluni.

2017-imi aningaasartuutit	38.525,00
2018-imi januaarimi aningaasartuutit	2.770,00
2018-imi aningaasartuutissatut naatsorsuutigisat	33.240,00

47-15 Utoqqarnut isumassuineq

Atuiffik	Atuiffiup taaguutaa	Missingersuutit	Atuineq	Sinnersuttut	Atuineq
		(1.000 kr.)	(1.000 kr.)	(1.000 kr.)	%-inngorlugu
47-15-10-12-99	Tamalaat	323	54	269	16,7

Allaffeqarfiup naliliinera

Ilaqutariinnut Immikkoortortap nalilerpaa, piginnaasat attattuartissinnaajumallugit sungiusartitsinissamik suliniut, pillorissaasumik atorfinitsitsinikkut annertuumik nukittorsarneqassasoq. Innersuussutigineqarpoq, piginnaasat attattuartissinnaajumallugit Sisimiuni sungiusartitsisarnermi pillorissaasoq nutaaq akuutinneqassasoq.

Maniitsumi taamatulli neqerooruteqartoqassasoq kissaatigineqarpoq.

Innersuussut

Ilaqutariinnut Immikkoortortap Ilaqutariinnermut isumaginninnermullu ataatsimiititaliamut innersuussutigaa

- piginnaasat attattuartissinnaajumallugit sungiusartitsisarneq pillugu paasissutissiissut tusaatissatut tiguneqassasoq

Aalajangiineq

Tusaatissatut tiguneqarpoq. Maniitsumi taamatulli neqerooruteqartoqassasoq kissaatigineqarpoq.

Ilanngussat

1. Frederik Olsen-imit maileq
2. Ilitsersueriaaseq
3. Piginnaasat attattuartissinnaajumallugit sungiusartitsisarnerneq peqataasartut pillugit takussutissiaq

Imm. 08 Qeqqata Kommuniata atuarfiini isumaginninnermut siunnersorteqarneq pillugu paasissutissiineq.

Journalnr. 42.00

Tunuliaqut

Ilaqutariinnermut Isumaginninnermullu Ataatsimiititaliap 2018-imi februarimi ataatsimiinnermini, atuarfinni isumaginninnermut siunnersorteqartitsineq pillugu kiisalu atuarfinni oqaloqatiginnittarnerit qanoq ingerlanersut paasissutisseeqqinnissaq kissaatigisimavaa.

Maleruagassatigut tungavissat:

Meeqqat tapersorneqarnissaannut Inatsisartut inatsisaat nr 20, 26 Juni 2017-meersoq

Pissutsit atuuttut

Akisussaaffiit suliassallu ukuussapput:

- Atuarfimmi meeqqanik oqaloqatiginninneq
- Netværks møde-nut innersuussassanik siunnersuusiornerit
- Team møde-nut innersuussassanik siunnersuusiornerit
- Ilaqutariinnut inerisaavimmut innersuussassanik siunnersuusiornerit
- Ilaqutariinnik siunnersueqatigiisitsinissamut innersuussassanik siunnersuusiornerit
- Angajoqqaanik atornerluisunik katsorsartinnissamut innersuussassanik siunnersuusiornerit

Sisimiut:

Ilaqutariinnermut immikkoortortaq Sisimiut Sulisoqarnermut immikkoortortamut isumaginninnermut siunnersortit atorfik pillugu allagarsiusseqqissutissamik nassiussisimavoq, tassani atuarfinni oqaloqatiginnittarnernik annerusumik suliarineqassallutik meeqqat inuusuttullu misigisatik pillugit inuttut oqaloqateqarnissaminnik pisariaqartitsisut ikiorniarlugit, kiisalu nalunaarutiginnittarnernik pinaveersaartitsissalluni. Atorfik allagarsiuqqarnikuugaluarpoq, kisiannili ataasiinnaq qinnuteqarsimalluni, taanna Ilaqutariinnermut immikkoortortami aamma allagarsiuqqartumi allamik atorfinilluni.

Januar-ip 15. 2018-miit ulloq manna tikillugu Ilaqutariinnermut immikkoortortaq Sisimiut isumaginninnermut siunnersortimik atornerqartussamik atorfinitsitsisoqarnissaata tungaanut immikkoortitsisimavoq, atuarfimmilu pisortat marluutillugit isumaqatigereernerisa kingorna isumaginninnermut siunnersorti sapaatip akunneranut marloriarluni akunnerni tallimani atuarfinniittalerluni.

Ulloq marsip arfineq-pingajuani 2018-imi atuarfimmi pisortat marluk isumaginninnermullu siunnersortip malitseqartitsillutik ataatsimeeqatigiissimanerat naapertorlugu, paasissutissiissutigineqarpoq meeqqat inuusuttullu amerlasoorujussuit oqaloqatiginninnissaminnik pisariaqartitsisut, isumaginninnermullu siunnersorti ataasiinnaq suliassap kivinnissaanut naammanngitsoq. Isumaginninnermut siunnersortip erseqqissaassutigaa kisimiilluni sulineq sakkortusoq, meeqqat anniaataat sakkortuumillu misigisaat suliarisariallit amerlammata. kisianni killissani ilisimaarisimallugit atuartunullu erseqqissaassutigisarlugu katsorsaasuunani, kisianni misigissutsiminnik eqqartuisarnissaat pingaaruteqartoq. Sullissisut attuumassuteqartut paasissutissanik nutaanik tuniumallugit, isumaginninnermut siunnersortip suliat Ilaqutariinnermut immikkoortortap ataatsimiinnissaanut qaqissavai.

Isumaginninnermut siunnersortip angajoqqaat angerlarsimaffiini qanimut attavigisarpai, angerlarsimaffinnut pulaartarpoq meeqqanullu malitseqartitsisarlugi atuannngitsoorsimagaangata.

Isumaginninnermut siunnersortip paasissutissiissutigaa, angajoqqaat perorsaanermut tunngasunik ilinniartinneqarnissartik pisariaqartikkaat, aammalu meeqqatik inuusuttuarangortut aqukkuminaatsittaraat killilersinnaasarnagillu. Allaanginnami meeqqat inuunerminnik namminneq aqutsisuusut, taamaalilluni angajoqqaat paaqutarinnittuusulluunniit iliuusissaaleqilersartut tunniutiinnanngujuulersartulluunniit, isumaginninnermut siunnersorti oqarpoq.

Meeqqat atuarfinni oqaloqatiginninnissaannut pisariaqartitsineq annertuallaaqimmat suleqataasoq alla aggerpoq, oqaloqatiginnikkiartorluni aamma. Meeqqanut inuusuttuaqqanullu immikkoortortami aqutsisoq isumaginninnermut siunnersorti napparsimalluni sulingippat peqanngippalluunniit, paarlatsissaanik ingerlatitseqqinnissamut akisussaasuvoq.

Ilaqutariinnermut immikkoortortaq Sisimiut arlalinnik isumaginninnermut siunnersortinik peqarpoq, pisariaqartitsisoqartillugu piareersimasinnaasunik.

Meeqqanut inuusuttunullu immikkoortortap atuarfinni pisortat marluk peqatigalugit malitseqartitsilluni ataatsimeeqatigisimavai, ingerlaatsit malinnaaviginiarlugit allannguisoqartariaqaratarnissaanullu piareersimanerorusulluni.

Maniitsoq:

Atuarfimmi aqutsisoq ilaqutariinnermullu pisortaq isumaqatigiissimapput isumaginninnermut siunnersorti sullissisorlu 2018-imi marsip aallaqqaataaniit paarlakaajaallutik atuarfimiittassasut. Piffissami marlungornikkut nal. 09.00 -13.00 (sullissisoq) aamma tallimangornikkut nal. 09.00 - 13.00 (isumaginninnermut siunnersorti) TR allaffiani. Siunnersuineq meeqqanut inuusuttuaqqanullu immikkoortortami isumaginninnermut siunnersortit isumaginninnermullu siunnersortini aqutsisup qanimut suleqatiginerisigut pissaaq, kiisalu atuarfimmi siunnersortit qanimut suleqatigissallugit.

Marsip aallaqqaataaniilli isumaginninnermut siunnersorti sullissisorlu piareersimalerput, isumaqatigiissullu malillugu atuarfimmukartarlutik. Atuarfik isumaginninnermut siunnersortip sullissisullu aggernissaannut piareersimasimangillaq, allaffissaannik piareersaasimangillat kikkuunerinilluunniit ilisimanninnatik atuarfimmilu sulerisussaasersut. Atuarfimmi ilinniartitsisunut atuartunulluunniit ilisaritinneqarsimangillat. Atuarfimmi aqutsisup isumaginninnermut siunnersorti sullissisorlu isumaqatigiissuteqarfigisimavai aatsaat apriliip qulingani 2018-imi ilisaritinneqarsinnaassasut. Taamaammat isumaginninnermut siunnersorti sullissisorlu atuarfimmi meeqqanik inuusuttuaqqanillu naapitaqarsimangillaq.

Atuilluartuunissakkut kingunerisinnaasai

Ilaqutariinnermut Immikkoortortaqarfiit Maniitsumi Sisimiunilu atuarfeqarfiillu meeqqat immikkut pisariaqartitsisut suliniuteqarnissaat oqaloqateqartalernissaallu suleqatigiissuteqarnerat qanimut ingerlavoq.

Allaffeqarfiup naliliinera

Ilaqutariinnermut immikkoortortap atuarfiit ikiornissai soqutigisaraa, tassami meeqqat ajornartoriutaannut tunngassuteqarmat, taakkulu ajornartorsiutit angerlarsimaffimmi atugassarititaasuneersuullutik, taakkunani ilaqutariit amerlanersai isumaginninnermut inatsisit atuuttut ataanniillutik immikkoortortatsinnullu attuumassuteqartuullutik. Oqaloqatiginninneq meeqqamut peqqinnarpoq, tamanna angerlarsimaffimmini pisinnaasannnginnamikku ajornakusoorluniluunniit.

Atuarfiup pisortai marluullutik oqarput, ajornartorsiutit pillugit oqaloqatiginnissinnaalernerat annertoorujussuarmik iluaqutaasoq, tassami atuarfimmi ilinniartitsisut tamanna ajornartittarmassuk. Marluullutik taamatut aaqqiigallarsimanerput nuannaarutigaa, neriuutigalugulu piaarnerpaamik isumaginninnermut siunnersortimik atorfinitsitsisoqassasoq, meeqqat inuusuttullu oqaloqatiginnittarnissaannut pisariaqartitsineq annertoorujussuummat. Maluginiarsimavaattaq meeqqat massakut oqaloqatiginnittartut iluaqutigigaa, ataasiakkaallu avammut qisuariaateqallattaalersimasut, kisianni qanoq isumaginninnermut siunnersortip meeqqap qisuariaatai inissaqartillugillu paasissagamigit.

Innersuut

Ilaqutariinnermut Immikkoortortap Ilaqutariinnermut Isumaginninnermullu ataatsimiititaliamut innersuussutigivaa

- atuarfinni isumaginninnermut siunnersorteqarnermut paasissutissiineq tusaatissanut tiguneqassasoq

Aalajangiineq

Tusaatissatut tiguneqarpoq suliarlu kommunalbestyrelse-mut ingerlateqqinneqassaaq kommunimi psykoterapeut-inik atorfinittoqarnissaa kissaatigineqarlunilu suliniutigeqquneqarmat.

Ilanngussaq

1. 2018-imi januaarip pingajuani ataatsimiinnermi imaqarniliaq, Sisimiut

**Imm. 09 Nuna tamakkerlugu innarluutilinnut centerimi Pissassarfimmi 2018-imi marsimi
ataatsimiinneq pillugu paasisutissiineq. Sisimiut.**

Journalnr. 47.00

Tunuliaqutaq

Namminersorlutik Oqartussat Nuna tamakkerlugu innarluutilinnut centeri Sisimiuni pilersippaat. 2018-imi februaarip 19-iani ammaanersiorneqarpoq, kommuniniillu tallimaasunit innersuussutinik tigooraalernissaminnut piaringajalerlutik.

Tamanna tunuliaqutaralugu kommunit tamarmik aallartisarluni ataatsimiinnissamut aggersarneqarnikuupput, tamanna 13.-14. marts 2018 pivoq.

Maleruagassatigut tunngavissat

Oqaaseqaatissaqanngilaq.

Pissutsit atuuttut

Qeqqata Kommunian ulloq 21. februar 2018 Pissassarfimmi Kalaallit Nunaanni kommunit allat tamaasa peqatigalugit ataatsimeeqqaarnissamut aggersarneqarpoq. Kommune Qeqertalimmiilli peqataasoqanngilaq.

Kommunit peqataasoqarnera eqqaassanngikkaanni Isumaginninnermut Aqutsisoqarfimmi pisortaq Hans Peder Barlach Christensen ullormi siullermi ataatsimiinnermut aamma peqataavoq.

Ataatsimiinneq Pissassarfimmi ingerlanneqarpoq, Pissassarfimmi alakkarterisitsisoqaaqarpoq, taamaalillutik tamarmik Pissassarfiup atorneqarnissaanut periarfissat paasisaqarfigisinnaaniassammatigit.

Pissassarfiup piumasarisimavaa peqataasut tamarluinnarmik kommunip innarluutillit pillugit politikianik ilanngussissasut ataatsimiinnermi saqqummiussinissaq siunertaralugu. Aammattaaq innuttaasut innarluutillit allattorsimaffinik saqqummiisoqassalluni, taakkua annertuumik innarluutilittut nalunaarsorneqarsimasussaallutik najugaqarfii ilanngullugit.

Saqqummiinerit taakkua kommunit ataasiakkaat Pissassarfiullu akornanni suleqatigiinnerup ingerlaannarnissaanut toqqammavigisassat pingaarnersiorlugit eqqartuiffiginissaanut tunuliaqutarineqartussaapput. Allattorsimaffuttaaq nappaatit suussusii aammalu kommunimi innuttaasunut annertuumik innarluutilinnut ikiorsiiniutut akuersissutigineqarsimasut suunersut imarisussaavai.

Pissassarfimmi aqutsisuugallartoq Martha Labansen ataatsimiinnermi paasisutissiissutigaa maannamut ukua sulisorineqartut:

- Siunnersorti ataaseq, piffissami matumani aamma tullersortaagallartoq. IPIS-imi atorfeqarnikuusimavoq, Pissassarfiullu aallartisarnera tamaat ilisimasaqarfigalugu.
- Meeqqanut immikkoortortami pillorissaasoq ataaseq
- Meeqqanut immikkoortortami timimik sungiusaasoq ataaseq
- Tarnip pissusaanik ilisimasallit marluk
- Oqallorissaasoq ataaseq 2018-imi apriliip aallaqqaataani atorfinittussaq
- Oqalutsi ataaseq.
- Nerisassiornermik eqqiaanermillu suliaqartartussat sulisut marluk
- Pedeli ataaseq piaarnerpaamik sulilertussaq

Suli atorfinitsinneqartussat:

- Pissassarfimmi aqutsisoq ataaseq
- Inersimasunut immikkoortortami pillorissaasoq ataaseq

- Inersimasunut immikkoortortami timimik sungiusaasoq ataaseq
- Najugaqarfissatut neqeroorummi immikkoortortami aqutsisoq ataaseq
- Perorsaasut (qassiussanersut ilisimaneqanngilaq)

Ulloq siullermi ataatsimiinnerup nalaani Isumaginninnermut Aqutsisoqarfimmi pisortap Pissassarfik sooq taassumap ataaniinnersoq ilisaritippaa. Ulloq unnuarlu neqeroorutitut immikkoortortamiippoq.

Pissassarfik atorfinereersut atorlugit aallartisassaaq, illumullu takorluukkat ajunneqaat.

Aammattaaq peqataasut tamarmik innersuussinermi immersugassaq qimerloorpaat, taannalu piffissap ingerlanerani iluarsaaneqarluni. Taanna kommuninut tusarniutigineqarpoq, 2018-imilu aprilip arfernani akissuteqarfissaq killeqarluni. Pissassarfiup pisortarigallagaa nalunaaruteqarpoq taakkunga innersuussisinnaaniaraanni innuttaasut nappaatinik suussusersimasariaqartut.

Pissassarfiup ataatsimiinnermilu peqataasimasut akornanni skype atorlugu ataatsimiinnissaq 2018-imi aprilip qeqqani pilersaarutigineqarpoq, tassungalu aggersaanissaq utaqqineqarluni. Pissassarfiup kommunimi innarluutilinnut immikkoortortanik tamanik isiginnilersinnaaniassammat kommuninut apeqqutinik immersuiffissanik nassiusuisoqarnikuuvoq. Immersuiffissaq taanna ilanngussatut ilanngunneqarpoq. Ataatsimiinnerup ulluini kingullermi innarluutillit illersuisuat Christina Johnsen peqataavoq, tassani innarluutillit illersuisuata suliffeqarfia Tilioq ilisaritillugu.

Atuilluartuunissakkut kingunerisinnaasai

Pissassarfimmi siumut isigaluni suliniutit innuttaasunut sulisunullu iluaqutaasussaapput, tassami innuttaasunut innarluutilinnut tassunga qinnuteqarsimasunut ikiorsiissutissanik ataavartumik neqeroortoqarsinnaaniassammat, kiisalu pikkorissarfissanik assersuutigiinnarlugu tapersersortitut neqeroortoqarsinnaassalluni.

Aningaasaqarnikkut allaffissornikkullu kingunerisinnaasai

Pissassarfiup Sisimiuni Ilaqutariinnut Immikkoortortamut nalunaarutigaa, 2018-imi aamma 2019-imi atuineq kommuninut tamanut akeqassanngitsoq. Siunissami akigititaqassaaq, akigititassalli qanoq isikkoqassanersut maannangaaq ilisimaneqanngilaq. Qeqqata Kommunia ilisimatinneqarpoq, akigititat kommuninut tamanut assigiissasut.

Allaffeqarfiup naliliinera

Qeqqata Kommunia 13. -14. marts ataatsimiinnermi peqataavoq, Kalaallit Nunaanni kommunit allat pingasut peqatigalugit, innarluutillit politikkiannullu tunngatillugu innarluutillit immikkoortortaanni unammillernartut eqqartorneqarlutik, aammalu Qeqqata Kommuniata Pissassarfimmut innersuussisalernissani qilanaarigaa nuannaarutigissallugulu Pissassarfiullu suleqatigiinnissamut isumaqatigiissusiorsinnaagunik taakkununga innersuussisarnissaq pillugu.

Innersuussut

Ilaqutariinnermut immikkoortortap Ilaqutariinnermut Isumaginninnermullu Ataatsimiititaliamut innersuussutigaa

- nuna tamakkerlugu innarluutilinnut centeri Pissassarfik pillugu paasissutissiissut tusaatissatut tiguneqassasoq

Aalajangiineq

Tusaatissatut tiguneqarpoq.

Ilanngussaq

1. Aallartissarluni ataatsimiinnissamut qaaqqusisst
2. Peqataasut allattorsimaffiat
3. Aallartissarluni ataatsimiinnissamut pilersaarut
4. Innersuussinermi immersugassaq kalaallisut qallunaatullu

**Imm. 10 Paasissutissiissut inuit 10-it Ilaqutariinnut katsorsaanssamut qinnuteqaat.
Kangerlussuaq, Sisimiut.**

Journalnr. 48.02

Tunuliaqutaq

Kangerlussuaq, Innuttaasunik Sullissivik allakkatigut Ilaqutariinnut katsorsaanssamut neqeroorummik tigusaqarsimavoq, pisariaqartitsinerlu tungavigalugu katsorsaasoqarnissaanik qinnuteqarlutik.

Maleruagassatigut tungavissat

Pissuutsit atuuttut

Innuttaasunik Sullissivik, Kangerlussuaq neqeroorummik Ilaqutariinnut katsorsaasoqarsinnaanerani februar-mi tigusaqarpoq uannga Valentine Ingemann. Neqeroorut assigiinningsunik imaqarpoq ukuusut:

- 1) Ilaqutariinnut Katsorsaaneq, inuit 12-it peqataaffigisinnaasaat, tassani meeqqat 12-nik ukioqalereersimasut ilaasinnaallutik, kr. 35.000,00 naleqarluni.
- 2) Oqalugiarnit suliffeqarfinnut/ilinniarfeqarfinnut/meeqqeriviit/atuarfillu, tassani qaammarsaanerit, inulerisuunermi nutarsartuarnissaq pillugu saqqummiinerit allallu. 4 tiimit atorlugit saqqummiineq kr. 6.000,00 naleqarluni.
- 3) Inunnik ataasiakkaanik oqaloqateqartarnerit inummut ataatsimut akunneq ataaseq kr. 600,00 naleqarluni.

Neqeroorutaasoq tassalu "Ilaqutariinnut Katsorsaaneq" atorusullugu sullissivimmi pisortaasoq Hans Davidsen aningaasaliiffigineqarnissaanut qinnuteqarpoq, iluatigalugu katsorsaasumik Kangerlussuarmiittoqarnerani katsorsaaneq ingerlanneqarsinnaaniassammat.

Kangerlussuarmi suleqativut peqatigalugit innuttaasut 10-it katsorsartissinnaanerannut peqataajumallutik nalunaarsimapput.

Innuttaasunik sullissivimmit ilaqutariinnut katsorsaanssaq atorusuppaat.

Neqeroorumi aamma ilaavoq katsorsartinnerup nalaani ataavartumik eqimattammik ornittagassaannik aallartitsisinnaasoq, katsorsartittut piumanersut apeqqutaalluni, kingornalu saaffigineqarsinnaanissaminut ammassalluni.

Aningaasaqarnikkut allaffissornikkullu kingunerisinnaasai

Katsorsaatitsinissamut katillugit kr. 35.000 uanga konto-mit akilerneqassapput 49-03-10-35-00

Atuilluartuunissakkut kingunerisinnaasai

Inuit 10-it katsorsartereernerminni periarfissaqarlualissapput peqatigiillutik naapiffeqalerlutik imminnut ikorfartorsinnaalernissaat, taamaalilluni pinaveersaartitseqatigiissinnaaneq ingerlasinnaappat ilaqutariinnut ikorfartuutaalluni iluaqutaasinnaassalluni.

Allaffeqarfiup naliliinera

Katsorsaasup Kangerlussuarmiinnermini neqeroorutaa iluatinnarpoq ilalernarlunilu, taamaattumik qinnuteqaatip akuersissutigineqarnissaa tapersernarpoq.

Kangerlussuarmi innuttaasut 10-it peqataanissamut nalunaarsimasut ukioqatigiiaarnermikkut nalimmapput peqatigiiaarsinnaalluarlutillu. Katsorsartinnerup kingorna imminnut ikorfartorsinnaalluarnissaat neriutiginarpoq, taamaalillutik imminnut pisariaqartitsisoqarsinnaanera aallaavigalugu ikioqatigiissinnaanissaat neriunarluni.

Innersuussut

Ilaqutarinnermut Immikkoortortaarfik Sisimiut, Ilaqutariinnut Isumaginninnermut Ataatsimiititaliap siulittaasuanut innersuussutigivaa qinnuteqaat akuereqqullugu .

1. Kangerlussuarmi ilaqutariinnut katsorsaaniisaq naleqartoq kr. 35.000 konto-mit uannga 49-03-10-35-00 akilerneqarluni.

Aalajangiineq

Innersuussut ulloq 20.03.2018 ataatsimiititaliap siulittaasuanit akuersissutigineqarpoq.

Innersuussut

Siulittaasup ulloq 20.03.2018 akuersissutaa tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

1. Allakkatigut neqeroorut
2. Peqataasussat allattorsimaneri

**Imm. 11 Paasissutissiissut Neriuseraq Winter Games 2018-imut peqataanissaq
siunertaralugu Maniitsumut angalanissamut aningaasartuutissanut qinnuteqaat.
Sisimiut.**

Journalnr. 48.00

Tunuliaqutaq

Utoqqaat angerlarsimaffiat Neriuseraq Maniitsoq, Neriuseraq Winter Games najugaqartunut sulisunullu ulluni 16. - 20. april 2018 ingerlanneqartussamik aqqissuissaq, tassungalu atatillugu Sisimiuni Utoqqaat angerlarsimaffiani Qupanummi najugaqartunik sulisunillu qaaqqusisimalluni.

Maleruagassatigut tunngavissat
Soqanngilaq.

Pissutsit atuuttut

Sisimiuni Maniitsumilu utoqqaat angerlarsimaffiisa suleqatigiinnertik nukittorsarniarpaat, aqutsisuilu misilittakkaminnik avitseqatigiittalersimapput. Ukiup aallartinnerani eqqartugassaqaalersimavoq, tassani Maniitsumi utoqqaat angerlarsimaffiata Sisimiuni utoqqaat angerlarsimaffianiittut ilai ukiumoortumik Neriuseraq Winter Games-ertoqarnissaanut qaaqqusuussanngorlugit.

Sisimiuni utoqqaat angerlarsimaffiani maajip qaammataani Maaji Peqqissuutiguk aqqissuunneqarnissaa ileqqunngorsimavoq, imaassinnaavorlu Sisimiuni utoqqaat angerlarsimaffiani sulisut Neriuseraq Winter Games-imut peqataanerminni nutaanik isumassarsisinnaassasut.

Eqqarsaataasinnaassaaq najugaqartut aalassarissut sisamat sulisullu pingasut Maniitsuliarsinnaassasut Neriuseraq Winter Games-imullu peqataallutik. Sisimiuniit ulloq 16. april aallarsinnaapput. ullorlu 20. april uterlutik. Eqqarsaatigineqarsinnaavortaaq najugaqartut Neriuseraq najugaqartunik ataatsimeeqateqarnissaat, tamannalu iluatsillugu aamma sulisut Neriuseraq sulisullu ataatsimeeqatigiissinnaallutik. Paasisassarsiorluni angalanertut ipajaartuussaaq, aammali sammisaqartitsinissamut peqataajartorerussalluni.

Atuilluartuunissakkut kingunerisinnaasai

Utoqqaat angerlarsimaffiini najugaqartut sammisassat tunngaatigut killilerujussuupput. Najugaqarfimmik assingusumik allamik takusaqarnissamut periarfissiineq suliniummullu sammisassartalimmut peqataatitsineq, inuunermut sammisassaqaqarfiulluarnerusumut kajuminnerulersitsisinnaapput.

Inuup alloriaqqinniarluni avatangiisiniit sungiusimasaminiit allamut saalaarnissani iluaqutigiuaannarpaa. Taamaaliornikkutaaq Maniitsumukartut Sisimiuni najugaqartunut Maniitsumi kulturip qanoq inneranik oqaluttuarsinnaassallutik.

Aningaasaqarnikkut allaffissornikkullu kingunerisinnaasai

Atuiffik 47-09-10 Utoqqaat angerlarsimaffiat (Sisimiut)

Sulisut pingasut najugaqartullu sisamat Maniitsumut angalanissaannut angalanermut, najugaqarnermut, najugaqartunut nerisaqartitsinermut, assartuinnermut sulisunullu ullormusiaqartitsinermut aningaasartuutissaat matuma missaaniissapput:

Ilaqutarinnermut Isumaginninnermullu Ataatsimütitaliap april-ip 11-ani 2018-imi ileqqusumik ataatsimiinnera 04/2018 - Imaqarniliaq

Sulisut pingasut angalanissaannut aningaasartuutissat inummut ataatsimut 2203,00 koruunit miss.	6.609,00
Najugaqartut sisamat angalanissaannut aningaasartuutissat inummut ataatsimut 1938,00 koruunit miss.	7.752,00
Sulisut pingasut hotelimi najugaqarnissaannut aningaasartuutissat ullormut inummut ataatsimut 1425,00 koruunit	17.100,00
Najugaqartut sisamat hotelimi najugaqarnissaannut aningaasartuutissat ullormut inummut ataatsimut 1425,00 koruunit	22.800,00
Angallanneqarneq katillugu miss	500,00
Najugaqartut sisamat nerisaqarnerat x ullut 4	800,00
Sulisut pingasut ullormusiassai 1.400 koruunit miss sulisumut ataatsimut	4.200,00
Katillugit miss	59.761,00

Atuiffik	Atuiffiup taaguutaa	Missing.	Atuineq	Sinneri	Atuineq
		(1.000 kr)	(1.000 kr)	(1.000 kr)	i %
47-09-10-05-99	Sulisunut aningaasartuutit tamalaat	46	4.500	41	9,8
47-09-10-12-06	Taxa, Assartuineq	8	10.900	-3	136,4
47-09-10-05-99	Sulisunut aningaasartuutit tamalaat	46	4.800	41	9,8
47-09-10-12-99	Aningaasartuutit tamalaat	5	4.800	0	96,2
47-09-10-12-06	Taxa, Assartuineq	8	10.900	-3	136,4
47-09-10-16-02	Nerisitsineq	1.003	299.400	704	29,9
47-09-10-05-99	Sulisunut aningaasartuutit tamalaat	46	4.500	41	9,8

Allaffeqarfiup naliliinera

Utoqqaat angerlarsimaffiat Qupanuk naliliivoq, utoqqaat angerlarsimaffiini marluusuni najugaqartut sulisullu akornanni ataatsimoortitsineq pitsaasumik sunniteqassasoq.

Sisimiuni utoqqaat angerlarsimaffiani najugaqartut Maniitsumi inuttaasunik naapitsinissaminnut periarfissaqalissapput, inuunerminnilu takeqisumi misilittakkaminnik avitseqateqarsinnaassallutik, kiisalu utoqqaanerminni nuannersunik suli misigisaqartarsinnaassallutik inuunerminni nuannersumik eqqaamassaralugit.

Taamatuttaa najugaqartut Sisimiunut angerlarunik najugaqartut sinnerinut Maniitsumi misigisaminnik saqqummiiffigilaarsinnaassavaat, avatangiisit sungiusimasatik qimalaarlugit.

Innersuussut

Ilaqutariinnermut immikkoortortap Ilaqutariinnermut Isumaginninnermullu ataatsimiititaliap siulittaasuanut innersuussutigaa,

- aningaasat qinnutigineqartut katillugit 59.761,00 koruunit, utoqqaat angerlarsimaffiata Qupanuup Maniitsumi Neriusaami Winter Games-imut peqataanissaanut atugassat akuersissutigineqassat

Aalajangiineq

Innersuussut ulloq 20.03.2018 ataatsimiititaliap siulittaasuanit akuersissutigineqarpoq.

Innersuussut

Siulittaasup ulloq 20.03.2018 akuersissutaa tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

1. Qupanuk aamma Paneeraq Olsen-ip mailikkut avitseqatigiittarneri 22-02-2018

Imm. 12 Tamalaat.

Ruth Heilmann-ip Ilaqutariinnermut Immikkoortortaqrarfiit sulianik suliassanillu killiffik pillugu paasissutiisoqarnissaa kissaatigaa.